



**Breheimen
nasjonalparkstyre**

Postadresse
Postboks 987
2604 LILLEHAMMER

Besøksadresse
Skjåk utmarkssenter (v/Skjåk
Almenning), 2690 Skjåk og
Luster kommune,
Kommunehuset, 6868 Gaupne

Kontakt
Sentralbord: +47 61 26 60 00
Direkte: +47 61 26 62 10
sfinpost@statsforvalteren.no
<http://www.nasjonalparkstyre.no/breheimen>

Rolv Rakstad
Lundadalsvegen 38
2690 SKJÅK

Saksbehandler Stein Magne Grevrusten

Vår ref. 2020/6613-4 432.3

Dykkar ref.

Dato 12.04.2022

Delegert vedtak - Breheimen NP - 2022-2023 - Dispensasjon - Bruk av motorbåt på Lundadalsvatnet - Rolf Rakstad

Vedtak

I samsvar med delegasjonsfullmakt frå Breheimen nasjonalparkstyre gjev nasjonalparkforvaltaren Rolf Rakstad løyve til bruk av båt med motor på Lundadalsvatnet i Breheimen nasjonalpark. Vedtaket er fatta med heimel i § 3 pkt. 6.3 bokstav n i verneforskrift for Breheimen nasjonalpark.

Følgjande vilkår gjeld for løyvet:

- Løyvet er personleg og gjeld i perioden 2022 – 2023.
- Løyvet gjeld bruk av båt med motor i samband med fiske og tilsyn av Trulsbu.
- Maksimal motorstyrke er inntil 10 hk. Høgste lovlege fart er 8 knop, dvs. at farten skal vera under grensa for at båten planar.
- Under køyringa skal det takast omsyn til naturmiljø (særleg dyreliv) og friluftsliv.
- Årleg rapport om talet på turar skal sendast forvaltningsmyndigheita seinast 1. desember kvart år i perioden 2022 - 2023.
- Løyvet skal vera med under kvar tur. Det blir rekna ein tur frå båten blir sjøsett ved osen og til den er attende, og brukt til det gjeldande formålet i saka.
- Nasjonalparkstyret kan inndra løyvet dersom vilkår blir brotne eller dersom omsyn til naturmiljøet tilseier det.

Dette vedtaket avløyser tidlegare vedtak med saksnummer 2020/6613-2.

Vi gjer oppmerksam på at dette løyvet berre gjeld i forhold til verneforskrifta for Breheimen nasjonalpark. Søkjar er sjølv ansvarleg for å innhente eit eventuelt løyve etter anna lovverk frå kommune og/eller grunneigar.



Vedtaket kan klagast inn for Miljødirektoratet av ein part eller andre med rettsleg klageinteresse, jf. forvaltningslova § 28. Frist for klage er tre veker frå vedtaket er motteke. Ei eventuell klage stilast til Miljødirektoratet, men skal sendast til Breheimen nasjonalparkstyre.

Dokument i saka

- Søknad frå Rolf Rakstad, datert 8. juni 2020 og tilleggssøknad datert 16. mars 2022.

Saksopplysningar

Søknaden

Søknaden frå 2022 er attgjeven nedanfor:

Jeg har tatt over som tilsyn på Trulsbu

*1: Ser at det er i orden med scooterløyve der jeg har kopi av løyve, men mangler kjørebok
Kan du sende over kopi av kjørebok slik at jeg har den på scooteren?*

*2: Jeg innehar 4 årig løyve til bruk av båtmotor på Lundadalsvatnet. Dette er for fiske. Kan du
korrigere denne slik at det også gjelder i samband med tilsyn av Trulsbu?*

Søknaden frå 2020 er attgjeven nedanfor:

*Disponerer hytte ved Lundadalsvatnet, samt båt og motor. Søker herved om bruk av båt med
motor på Lundadalsvatnet i samband med fiske. Har hatt flerårig løyve tidligere som gikk ut i
2019.*

Heimelsgrunnlag

Delegering

Miljøverndepartementet har i brev av 1. februar 2011 delegert forvaltningsmynde for Breheimen nasjonalpark til Breheimen nasjonalparkstyre. Dette er gjort med medhald i naturmangfaldlova § 62.

I medhald av styresak 7/2016 og styresak 2/2020 har Breheimen nasjonalparkstyre gjort vedtak om å delegere behandling av enkelte saker til nasjonalparkforvaltaren. Dette er gjort med heimel i nasjonalparkstyrets vedtekter. Vedtaket gjev nasjonalparkforvaltarane i Breheimen myndigheit til å treffe vedtak i saker som gjeld søknad om løyve etter verneforskriftenes spesifiserte dispensasjonsbestemmingar, samt kurante saker etter naturmangfaldlova § 48 for verneområda i Breheimen.



Verneformål – verneforskrift

Føremålet med Breheimen nasjonalpark er å ta vare på eit stort, samanhengande og villmarksprega naturområde som inneheld særeigne, representative økosystem og landskap utan tyngre inngrep. Vidare er føremålet med nasjonalparken m.a. å ta vare på eit høgfjellsøkosystem med eit eigenarta og variert biologisk mangfald, ta vare på leveområde til villreinstammen i Reinheimen-Breheimen villreinområde, vegetasjon og landskap, og å ta vare på kulturminne. Ålmenta skal ha høve til uforstyrra oppleving av naturen gjennom utøving av naturvenleg og enkelt friluftsliv med lita grad av teknisk tilrettelegging.

Etter verneforskrift for Breheimen nasjonalpark, er motorferdsel på land, på vann og i lufta under 300 m frå bakken forbode (verneforskriftene § 3 pkt. 6.1), med unntak gjeve i pkt. 6.2 og 6.3.

Forvaltningsmyndigheita kan gje løyve til m.a.:

- *bruk av båt med motor inntil 10 hk på Lundadalsvatnet i samband med fiske, organisert tilsyn med beitedyr, transport i samband med villreinjakt samt transport av varer og utstyr til Trulsbu.* (§ 3 pkt. 6.3 bokstav n i verneforskrift for Breheimen nasjonalpark)

Forvaltningsplan

I forvaltningsplanen for Breheimen nasjonalpark står følgande retningslinjer for bruk av båt med motor på Lundadalsvatnet i Breheimen nasjonalpark:

Det kan gjevast løyve til bruk av båt med motor inntil 10 hk på Lundadalsvatnet i samband med fiske, organisert tilsyn med beitedyr, transport i samband med villreinjakt, samt transport av varer og utstyr til Trulsbu (jf. § 3 pkt. 6.3 n)).

Etter søknad kan det gjevast løyve til bruk av båt med motor inntil 10 hk på Lundadalsvatnet i samband med:

- *fiske*
- *organisert tilsyn med beitedyr, omfattar sanking og slepp*
- *transport i samband med villreinjakt*
- *transport av varer og utstyr til Trulsbu*

Det kan gjevast løyve for inntil fire år om gongen. Det må søkjast om fornying innan utløp av løyveperioden.

Transport av varer til Trulsbu omfattar oppdrag som gjeld drifta av DNT-hytta.

Det vil bli sett vilkår om maksimum fart på 8 knop i løyve for bruk av motorbåt.

Naturmangfaldlova

Omsynet til verneverdiane i området blir vurdert, særleg i forhold til landskap, dyreliv og friluftsliv, jf. verneforskrifta § 2 og naturmangfaldlova §§ 1(Føremål), 4 og 5 (forvaltingsmål



for naturtypar, økosystem og artar), samt § 7 (prinsipp for å ta offentleg avgjerd), jf. §§ 8-12 (kunnskapsgrunnlaget og miljørettslege prinsipp).

Vurdering

Rolf Rakstad disponerer hytte ved Lundadalsvatnet i Breheimen nasjonalpark og søkte i 2020 om løyve til å bruke båt med motor på Lundadalsvatnet i samband med fiske. Frå og med 2022 er Rakstad også tilsyn på Trulsbu for DNT Oslo og Omegn, og søker nå om å få bruke motorbåt i samband med tilsyn av hytta.

Omfanget av motorferdsel i Breheimen nasjonalpark skal haldast på eit så lågt nivå som mogleg av omsyn til samla belastning på naturmiljøet og av omsyn til friluftslivet. Fråvær av motorstøy er ein viktig kvalitet i utmark og motorferdsel kan i tillegg vera uheldig for fugle- og dyrelivet.

I verneprosessen for Breheimen nasjonalpark vart det akseptert at ein viss bruk av båt med motor på Lundadalsvatnet skulle kunne fortsetja også etter vernetidspunktet. Dette gjaldt mellom anna transport i samband med villreinjakt, fiske, transport av varer/utstyr til Trulsbu og tilsyn med beitedyr i samband med sanking og slepp. Bakgrunnen for dette var dei vanskelege vêrforholda som kan oppstå på dette fjellvatnet (1149 moh) som ligg i ein trong fjelldal med høge fjell på båe sider. Bruk av båt med motor er i mange samanhengar praktisk, men fyrst og fremst er dette viktig for tryggleiken for dei som brukar båt i forbindelse med fiske, tilsyn osv.

Lundadalsvatnet ligg langt inne i nasjonalparken med ca. 5 timars gåing frå bilveg. Området er svært lite prega av inngrep. Langs sørsida av dalen går DNT-løypa frå Skjåk til Trulsbu. Friluftslivet i området er minimalt. Trulsbu har inntil 150 overnattingar dei siste åra og ca. halvparten av overnattingane er om vinteren. Ved utløpsosen på vatnet ligg det 8-10 hytter (fiskebuer) og i tillegg nokre naust.

Nasjonalparkforvaltar meiner at det er tilstrekkeleg kunnskap om området og konsekvensane av tiltaket. Med bakgrunn i databasar (Naturbasen og Artsdatabanken), forvaltningsplanen for Breheimen, ulike naturfaglege rapportar og generell kunnskap om området, er det god oversikt over kva som kan påverke natur og miljø negativt. For å ivareta naturmiljøet kan forvaltningsmyndigheita bl.a. stille villkår som har som formål å avgrense ein eventuell skadeverknad av eit løyve.

Når det gjeld dyrelivet rundt Lundadalsvatnet så er det lite registreringar i bl.a. Artsdatabanken. Det er registrert to lokalt viktige deltaområder (Hålåsand og Vetledalssand) ved Lundadalsvatnet. Her kan det periodevis vera viktige artar som brukar både områda. Villreinen brukar området til ein viss grad og villreinbukk trekker sporadisk langs vatnet (§ 8).



Ut frå noverande vurdering meiner nasjonalparkforvaltar at det ikkje er aktuelt å ta i bruk føre-var-prinsippet i denne saka dersom vilkåra i saka blir følgt. Det er vurdert at tiltaket ikkje vil medføre miljøforringing, men tiltakshavar pliktar å iverksette dei tiltak som er nødvendig for å sikre at naturmangfaldet ikkje skal bli skadelidande. Om ikkje dette blir gjort kan tiltakshavar bli pålagt å iverksette tiltak for å rette skaden i ettertid. Det blir lagt vekt på å setja vilkår som regulerer transporten for å unngå eventuell skade på natur og miljø (§§ 10-12).

Ut ifrå ei samla vurdering meiner nasjonalparkforvaltaren at bruk av båt med motor på Lundadalsvatnet kan gjennomførast med dei vilkåra som er sett i tilknytning til løyvet.

Med helsing
Stein Magne Grevrusten
Nasjonalparkforvaltar

Etter våre rutinar er dette brevet godkjent og sendt utan underskrift

Kopi går til:
Statsforvalteren i Innlandet
Miljødirektoratet
Skjåk kommune
Skjåk Almenning
Statens naturoppsyn Breheimen v/ Øyvind Angard